



# SLUŽBENE ZENIČKO - DOBOJSKOG NOVINE KANTONA

Godina IX - Broj 8

ZENICA, Srijeda 14. 07. 2004.

160.

Na osnovu člana 88. Ustava Zeničko-dobojskog kantona ("Službene novine Federacije Bosne i Hercegovine", broj 7/96, "Službene novine Zeničko-dobojskog kantona", broj 1/96 i 10/00), a u vezi sa Amandmanom LII 11d., Skupština Zeničko-dobojskog kantona na sjednici održanoj 29.06.2004.godine, donijela je

## AMANDMANE VII - LII NA USTAV ZENIČKO-DOBOJSKOG KANTONA

### Amandman VII

Preambula Ustava Zeničko-dobojskog kantona mijenja se i glasi:

"Bošnjaci, Hrvati i Srbi, kao konstitutivni narodi, zajedno sa Ostalim, i građani Zeničko-dobojskog kantona, odlučni da osiguraju punu nacionalnu ravnopravnost, demokratske odnose i najviše standarde ljudskih prava i sloboda, a na osnovu člana V 1. (4) Ustava Federacije BiH, ovim donose Ustav Zeničko-dobojskog kantona."

### Amandman VIII

U članu 3. riječ: "i" zamjenjuje se zarezom, a iza riječi: "Hrvati" dodaju se riječi: "i Srbi", iza riječi: "prava" briše se preostali tekst, a umjesto njega piše se tekst: "u Kantonu, Federaciji Bosne i Hercegovine i Bosni i Hercegovini, u skladu sa ovim Ustavom, Ustavom Federacije Bosne i Hercegovine i Ustavom Bosne i Hercegovine."

### Amandman IX

Član 5. mijenja se i glasi:

"Konstitutivni narodi i grupa Ostali bit će proporcionalno zastupljeni u javnim institucijama Kantona.

Proporcionalna zastupljenost će se bazirati na popisu stanovništva iz 1991. godine, dok se Aneks 7. u potpunosti ne provede (u daljem tekstu: proporcionalna zastupljenost).

Javne institucije u smislu ovog člana su ministarstva u Vladi Kantona, općinski organ vlasti, Kantonalni sud, općinski sudovi i Tužilaštvo."

### Amandman X

U članu 9. stavovi 1. i 2. mijenjaju se i glase: "Službeni jezici Kantona su bosanski jezik, hrvatski jezik i srpski jezik.

Službena pisma su latinica i cirilica."

### Amandman XI

U članu 10. stav 1. dodaje se tačka c) koja glasi:

"c) osigurava da konstitutivni narodi i pripadnici grupe Ostali budu proporcionalno zastupljeni u ministarstvima Kantona."

### Amandman XII

Glava "III - SARADNJA SA OMBUDSMENIMA", članovi 15. i 16. se brišu.

### Amandman XIII

U članu 19. stav 1. tačka "f)" mijenja se i glasi:

"Provođenje zakona i drugih propisa o državljanstvu i putnim ispravama državljana Bosne i Hercegovine sa teritorije Federacije i o boravku i kretanju stranaca."

Tačka "g)" se briše.

### Amandman XIV

U članu 23. iza riječi "Kanton" riječ: "će" zamjenjuje se riječju: "može", a iza riječi: "s" dodaje se riječ: "drugim" i brišu se riječi: "sa bošnjačkom većinom."

### Amandman XV

U članu 27. riječ "dvogodišnji" se zamjenjuje riječju "četverogodišnji".

### Amandman XVI

U članu 30. stav 2. mijenja se i glasi:

"Nespojivost funkcija poslanika sa drugim funkcijama i poslovima uređuje se zakonom."

### Amandman XVII

U članu 32. iza riječi: "predsjedavajućeg" briše se tačka i dodaju se riječi: "i zamjenike predsjedavajućeg."

Iza stava 1. dodaju se stavovi 2. i 3. koji glase:

"Predsjedavajući Skupštine predstavlja Skupštinu i nadležan je:

- za imenovanje kandidata za mjesto premijera Kantona, uz konsultaciju sa zamjenicima predsjedavajućeg Skupštine Kantona,

- za praćenje provođenja politike Skupštine i propisa Skupštine,

- za stanje u ostvarivanju saradnje sa zakonodavnim organima drugih kantona, Federacije Bosne i Hercegovine i organima Bosne i Hercegovine.

Ostale nadležnosti predsjedavajućeg i zamjenika predsjedavajućeg Skupštine utvrdit će se Poslovníkom Skupštine Kantona."

#### Amandman XVIII

Iza člana 32. dodaje se novi član 32a. koji glasi:

##### "Član 32a.

Skupština Kantona donosi većinom glasova svoj Poslovník. Poslovníkom se bliže uređuje način rada Skupštine, način potvrđivanja kandidata za izbor na mjesto predsjedavajućeg ili zamjenika predsjedavajućeg Skupštine i druga pitanja od značaja za rad Skupštine."

#### Amandman XIX

Iza člana 32a., dodaje se član 32b. koji glasi:

##### "Član 32b.

U Skupštini Kantona formiraju se klubovi poslanika konstitutivnih naroda uz uslov da postoji najmanje jedan poslanik konstitutivnog naroda u Skupštini.

Svaki klub poslanika iz stava 1. ovog člana predlaže jednog kandidata iz reda svojih članova za izbor na mjesto predsjedavajućeg ili zamjenika predsjedavajućeg koje potvrđuje Skupština Kantona.

Ako jedan od konstitutivnih naroda nije zastupljen u Skupštini, mjesto zamjenika predsjedavajućeg iz tog naroda ostaje upražnjeno.

Tri kandidata koje potvrdi Skupština odlučuju između sebe ko će biti predsjedavajući Skupštine."

#### Amandman XX

Član 36. mijenja se i glasi:

"Poslanici u Skupštini Kantona ne podliježu krivično-pravnoj ni građansko-pravnoj odgovornosti za radnje koje čine u okviru svojih dužnosti u Skupštini."

#### Amandman XXI

U članu 37. stav 1. tačka c) mijenja se i glasi:

"c) potvrđuje kandidate za mjesto predsjedavajućeg i/ili zamjenike predsjedavajućeg Skupštine".

Tačka d) se mijenja i glasi:

"d) potvrđuje Vladu Kantona".

U tački k) iza riječi "razmatra" dodaje se riječ "posebne".

Tačke b) i f) se brišu, a tačke: "c, d, e, g, h, i, j, k, l, m. i n." postaju tačke: "b, c, d, e, f, g, h, i, j, k. i l."

#### Amandman XXII

U članu 38. stav 1. tačka b) umjesto zarezav stavlja se tačka, briše se riječ "i" i tačka "c)".

#### Amandman XXIII

Iza člana 38. dodaje se novo potpoglavlje: "A.a. Mehanizam zaštite vitalnog nacionalnog interesa" i članovi 38a. i 38b. koji glase:

#### "Član 38a.

Vitalnim nacionalnim interesima konstitutivnih naroda koji se štite u Kantonu smatraju se:

- ostvarivanje prava konstitutivnih naroda da budu proporcionalno zastupljeni u Skupštini, izvršnim i pravosudnim organima vlasti,

- identitet jednog konstitutivnog naroda,

- ustavni amandmani,

- organizacija organa javne vlasti,

- jednaka prava konstitutivnih naroda u procesu donošenja odluka,

- obrazovanje,

- vjeroispovijest,

- jezik,

- njegovanje kulture, tradicije i kulturnog naslijeđa,

- teritorijalna organizacija,

- sistem javnog informisanja i

druga pitanja, ukoliko tako smatra dvotrećinska većina jednog od klubova poslanika konstitutivnih naroda u Skupštini Kantona.

Ako predsjedavajući Skupštine Kantona ili jedan od zamjenika predsjedavajućeg Skupštine tvrde da neki zakon, drugi propis ili akt spada u listu vitalnih interesa utvrđenih u stavu 1. ovog člana, za prihvatanje tog zakona, drugog propisa ili akta potrebna je većina glasova unutar svakog od klubova poslanika konstitutivnih naroda zastupljenih u Skupštini Kantona.

Predsjedavajući i zamjenici predsjedavajućeg Skupštine Kantona dužni su da u roku od 7 dana odluče da li neki od zakona, propisa ili akata spada u listu iz stava 1. ovog člana.

Ako predsjedavajući Skupštine Kantona ili jedan od zamjenika predsjedavajućeg tvrdi da zakon, propis ili akt spada u listu vitalnih interesa, dvotrećinska većina odgovarajućeg kluba poslanika jednog od konstitutivnih naroda Skupštine Kantona može proglasiti da je riječ o pitanju sa liste vitalnih nacionalnih interesa."

#### Član 38b.

U slučaju da dvotrećinska većina jednog od klubova poslanika konstitutivnih naroda u Skupštini Kantona odluči da se neki zakon, propis ili akt odnosi na vitalni nacionalni interes, za usvajanje takvog zakona, propisa ili akta potrebna je većina glasova unutar svakog kluba poslanika konstitutivnih naroda zastupljenih u Skupštini Kantona.

Ako se većina iz stava 1. ovog člana ne može postići, pitanje se prosljeđuje Ustavnom sudu Federacije Bosne i Hercegovine koji donosi konačnu odluku o tome da li se dati zakon, propis ili akt odnosi na vitalni nacionalni interes konstitutivnog naroda.

Ako sud odluči da se radi o vitalnom interesu, zakon, propis ili akt se smatra neusvojenim, te se dokument vraća predlagачu koji treba pokrenuti novu proceduru.

U slučaju iz prethodnog stava predlagач ne može podnijeti isti tekst zakona, propisa ili akta.

U slučaju da Ustavni sud odluči da se ne radi o vitalnom interesu, zakon, propis ili akt se smatra usvojenim."

#### Amandman XXIV

U poglavlju "B. IZVRŠNA VLAST KANTONA", u potpoglavlju 1. riječ: "predsjednik" se briše a umjesto nje se piše: "premijer".

**Amandman XXV**

U članu 39. riječ: "predsjednika" se briše a umjesto nje se piše: "premijera Kantona."

Iza stava 1. dodaju se stavovi 2. i 3. koji glase:

"Premijer Kantona predstavlja i zastupa Kanton.

Premijer Kantona odgovoran je Skupštini Kantona."

**Amandman XXVI**

Član 40. se briše.

**Amandman XXVII**

U članu 41. riječ: "predsjednik" se briše a umjesto nje se piše: "premijer", i riječ: "dvogodišnji" se briše, a umjesto nje piše se: "četverogodišnji".

**Amandman XXVIII**

U članu 42. riječ: "predsjednik" se briše a umjesto nje se piše: "premijer", briše se tačka i dodaje tekst koji glasi: "ili razriješen na osnovu ostavke odlukom Skupštine".

**Amandman XXIX**

Član 43. se mijenja i glasi:

"Ukoliko mjesto premijera Kantona ostane upražnjeno, predsjedavajući Skupštine će u roku od 30 dana imenovati novog kandidata.

U slučaju da premijer Kantona bude privremeno u nemogućnosti da obavlja svoju dužnost, poslove premijera vršit će jedan od ministara kojeg ovlasti premijer Kantona, uz konsultaciju sa predsjedavajućim Skupštine Kantona."

**Amandman XXX**

Amandman I Ustava mijenja se i glasi:

"Premijer Kantona nadležan je za:

- provođenje politike i izvršavanje kantonalnih propisa, uključujući osiguranje izvršavanja odluka sudova;
- predlaganje Skupštini Kantona smjene ministara, u skladu sa zakonom;
- potpisivanje međunarodnih sporazuma u ime Kantona, koje odobrava Skupština Kantona uz saglasnost Parlamenta Federacije Bosne i Hercegovine, u skladu sa zakonom;
- podnošenje zahtjeva Ustavnom sudu radi utvrđivanja da li je predloženi ili usvojeni propis koji donosi organ kantonalne ili općinske vlasti u skladu sa Ustavom Federacije Bosne i Hercegovine;
- staranje o ostvarivanju saradnje sa organima drugih kantona, Federacije Bosne i Hercegovine i organima Bosne i Hercegovine;
- predsjedanje sjednicama Vlade;
- druga pitanja utvrđena ovim Ustavom i zakonom i
- izvršavanje i drugih poslova koje mu povjeri Skupština.

Premijer Kantona odgovoran je Skupštini Kantona za rad Vlade."

**Amandman XXXI**

Član 45 se briše.

**Amandman XXXII**

Amandman II Ustava mijenja se i glasi:

"Vladu Kantona čine premijer Kantona i ministri ministarstava čiji se broj utvrđuje zakonom.

Vladu Kantona potvrđuje Skupština Kantona većinom glasova.

Vlada preuzima dužnost nakon potvrđivanja od Skupštine Kantona."

**Amandman XXXIII**

Amandman III Ustava Kantona se briše i briše se stav 2. člana 47. Ustava.

**Amandman XXXIV**

Amandman IV Ustava Kantona mijenja se i glasi:

"Vlada podnosi ostavku ako joj u bilo koje vrijeme Skupština Kantona izglasa nepovjerenje.

Odluka o smjenjivanju premijera Kantona povlači ostavku, odnosno odluku o smjenjivanju ministara ukoliko Skupština ne odluči drugačije.

Svako upražnjeno mjesto popunjava se po istom postupku."

**Amandman XXXV**

Iza člana 48. dodaje se član 48a. koji glasi:

**"Član 48a.**

Ministri snose krajnju odgovornost za rad svojih ministarstava.

Ministri odgovaraju premijeru Kantona i Skupštini Kantona.

Ministar može podnijeti ostavku Skupštini Kantona, a ostaje na dužnosti do dana donošenja odluke o razrješenju."

**Amandman XXXVI**

U članu 50. stav 1. u tački b) riječi: "svakog kantonalnog i federalnog suda" se brišu, a umjesto njih se piše: "sudova".

Tačke e) i g) se brišu.

**Amandman XXXVII**

U članu 51. stav 1. u tački g) riječ "predsjedniku" se briše a umjesto nje se piše "premijeru" i u tački h) riječ "predsjednik" se briše, a umjesto nje se piše "premijer".

**Amandman XXXVIII**

Amandman V Ustava Kantona mijenja se i glasi:

"Premijer Kantona i članovi Vlade neće biti građanski odgovorni za bilo koji postupak izvršen u okviru njihove dužnosti u Vladi Kantona."

**Amandman XXXIX**

U članu 54. riječ: "kantonalni" piše se velikim početnim slovom i iza nje dodaje se riječ: "sud".

**Amandman XL**

Član 59. mijenja se i glasi:

"Kantonalni sud ima žalbenu nadležnost u odnosu na općinske sudove u Kantonu i prvostepenu nadležnost u stvarima koje ne spadaju u nadležnost općinskih sudova, te druge nadležnosti utvrđene zakonom."

**Amandman XLI**

U članu 60. stavovi 1. i 2. i članu 61. stav 2. riječi: "kantonalni sudovi" u odgovarajućem padežu, zamjenjuju se riječima: "Kantonalni sud" u odgovarajućem padežu.

**Amandman XLII**

Član 63. mijenja se i glasi:

"Sudije Kantonalnog suda, uključujući i predsjednika Suda, odabire, imenuje, provodi disciplinski postupak i smjenjuje nadležno Visoko sudsko i tužilačko vijeće u skladu sa zakonom."

**Amandman XLIII**

Član 64. mijenja se i glasi:

"Sudije Kantonalnog suda, osim sudija u rezervi, imenuju se doživotno, osim ako podnesu ostavku, ako se penzionišu ili ako s razlogom budu smijenjeni od Visokog sudskog i tužilačkog vijeća, u skladu sa zakonom Federacije.

Sudijama Kantonalnog suda sudijska funkcija može, izuzetno, prestati i kao rezultat procesa odabira nakon reforme Kantonalnog suda za vrijeme prijelaznog perioda kako je utvrđeno zakonom.

Navršenje starosne dobi propisane za obavezan odlazak u penziju sudija Kantonalnog suda utvrđuje se zakonom Federacije.

Plaće i druge naknade sudija ne mogu biti umanjene za vrijeme vršenja sudijske funkcije, osim kao posljedica disciplinskog postupka, u skladu sa zakonom."

**Amandman XLIV**

Član 65. se briše.

**Amandman XLV**

Član 66. mijenja se i glasi:

"Uslovi za obavljanje funkcije sudije Kantonalnog suda, uključujući i imunitet, utvrđuju se zakonom Federacije Bosne i Hercegovine."

**Amandman XLVI**

U članu 67. stav 1. iza tačke b) dodaje se nova tačka c) koja glasi:

"c) obezbjeđuje da konstitutivni narodi i pripadnici grupe Ostalih budu proporcionalno zastupljeni u općinskim organima vlasti."

**Amandman XLVII**

U članu 73. riječ: "dvije" se briše a umjesto nje se piše: "četiri".

**Amandman XLVIII**

U članu 82. stav 1. tačka e) se briše.

**Amandman XLIX**

Član 86. mijenja se i glasi:

"Sudije općinskih sudova, uključujući i predsjednike sudova, odabire, imenuje, provodi disciplinski postupak i smjenjuje nadležno Visoko sudsko i tužilačko vijeće u skladu sa zakonom."

**Amandman L**

Član 87. mijenja se i glasi:

" Sudije općinskih sudova, osim rezervnih sudija,

imenuju se doživotno, osim ako ne podnesu ostavku, ako se penzionišu ili budu smijenjeni od Visokog sudskog i tužilačkog vijeća u skladu sa zakonom.

Sudijama općinskih sudova sudijska funkcija može izuzetno prestati i kao rezultat procesa odabira nakon reforme općinskih sudova za vrijeme prijelaznog perioda kako je utvrđeno zakonom.

Navršenje starosne dobi propisane za obavezan odlazak u penziju sudija općinskih sudova utvrđuje se zakonom Federacije.

Plaće i druge naknade sudija ne mogu biti umanjene za vrijeme vršenja sudijske funkcije, osim kao posljedica disciplinskog postupka u skladu sa zakonom."

**Amandman LI**

U članu 88. umjesto riječi: "može" piše se: "mogu", a riječi: "predsjednik Kantona" se brišu.

**Amandman LII**

Amandmani od VII do LII stupaju na snagu danom donošenja i objavit će se u "Službenim novinama Zeničko-dobojskog kantona".

Broj: 01-01-13636/04  
29.06.2004.godine  
Zenica

**PREDSDJEDAVAJUĆI**  
Husejin Smajlović, s.r.

161.

Na osnovu člana 37. tačka h) Ustava Zeničko-dobojskog kantona, Skupština Zeničko-dobojskog kantona na sjednici održanoj dana 29.06.2004.godine, d o n o s i:

## Z A K O N O RASELJENIM OSOBAMA-PROGNANICIMA I IZBJEGLICAMA-POVRATNICIMA

### I. OSNOVNE ODREDBE

#### Član 1.

Ovim zakonom bliže se uređuju: postupak za priznavanje, prestanak i ukidanje statusa raseljenih osoba-prognanika i izbjeglica-povratnika; prava i obaveze raseljene osobe-prognanika i izbjeglice-povratnika; povratak raseljenih osoba-prognanika i izbjeglica-povratnika, sredstva za finansiranje potreba raseljenih osoba-prognanika i izbjeglica-povratnika, nadzor nad provođenjem ovog zakona i kaznene odredbe.

### II. POSTUPAK PRIZNAVANJA, PRESTANKA I UKIDANJA STATUSA RASELJENIH OSOBA- PROGNANIKA I IZBJEGLICA-POVRATNIKA

#### Član 2.

Raseljena osoba-prognanik u smislu ovog zakona je državljanin Bosne i Hercegovine koji je raseljen na

području Zeničko-dobojskog kantona usljed ratnih sukoba, progona iz opravdanog straha od progona ili povreda ljudskih prava na teritoriji Bosne i Hercegovine, a ne postoje uslovi za siguran i dostojanstven povratak u svoje prebivalište, niti se dobrovoljno odlučila na izbor novog mjesta življenja.

#### Član 3.

Izbjeglica-povratnik u smislu ovog zakona je državljanin Bosne i Hercegovine koji se kao izbjeglica iz Bosne i Hercegovine vratio iz inozemstva na područje Zeničko-dobojskog kantona, zbog nepostojanja uslova za dostojanstven povratak u svoje mjesto prebivališta, a nije dobrovoljno izabrao novo mjesto stalnog življenja.

#### Član 4.

Raseljenoj osobi-prognaniku i izbjeglici-povratniku koji se vratio u prebivalište na području Zeničko-dobojskog kantona, a nije u vlastitu kuću ili stan zbog njihove razrušenosti ili zauzetosti, priznaju se prava, u skladu sa Federalnim i ovim zakonom.

Osobi koja je usljed ratnih sukoba napustila vlastitu kuću ili stan i raselila se u svojoj matičnoj općini, priznaju se prava, u skladu sa ovim zakonom.

#### Član 5.

Zahtjev za priznavanje statusa iz članova 2., 3. i 4. ovog zakona podnosi se nadležnoj općinskoj službi - ustanovi prema općini boravišta (u daljem tekstu: nadležna služba).

Nadležna služba zaprima i kompletira zahtjev za priznavanje statusa, utvrđujući sve činjenice i okolnosti od značaja za donošenje rješenja.

Postupak priznavanja i prestanka statusa osoba iz članova 2., 3. i 4. ovog zakona provodi se u skladu sa odredbama Zakona o upravnom postupku.

U postupku priznavanja statusa osobama mlađim od 15 godina zahtjev podnosi roditelj, odnosno staratelj ili organ starateljstva.

#### Član 6.

O priznavanju i prestanku statusa osobama iz članova 2., 3. i 4. ovog zakona, priznavanju njihovih prava i obaveza odlučuje Ministarstvo za rad, socijalnu politiku i izbjeglice (u daljem tekstu: «Ministarstvo»).

Protiv rješenja iz stava 1. ovog člana može se izjaviti žalba Federalnom ministarstvu raseljenih osoba i izbjeglica (u daljem tekstu: Federalno ministarstvo), u roku od osam ( 8 ) dana od dana prijema rješenja.

#### Član 7.

Osim rješenja o priznavanju statusa, osobama iz člana 2. ovog zakona, nadležna služba izdaje i odgovarajuću legitimaciju, shodno Uputstvu o obrascu legitimacije raseljene osobe-prognanika.

#### Član 8.

Nadležne službe općina boravišta, Ministarstvu unutrašnjih poslova Zeničko-dobojskog kantona i na zahtjev drugih ministarstava, dostavljaju odgovarajuće podatke o osobama iz člana 7. ovog zakona, odnosno

osobama kojima je izdata legitimacija.

#### Član 9.

Status iz članova 2., 3. i 4. ovog zakona, neće se priznati osobi koja je pravosnažnom odlukom osuđena za krivično djelo protiv čovječnosti i međunarodnog prava.

#### Član 10.

Status iz članova 2. i 3. ovog zakona osobama prestaje:

1. povratkom u prebivalište;
2. kada postoji mogućnost sigurnog i dostojanstvenog povratka u svoje prebivalište, a raseljena osoba-prognanik nije se vratio;
3. kada se raseljena osoba-prognanik dobrovoljno odlučila na stalno naseljenje u drugo mjesto na teritoriji Federacije.

#### Član 11.

Status iz člana 4. ovog zakona osobama prestaje:

1. po sticanju minimalnih uslova za stanovanje;
2. po sticanju uslova za useljenje u vlastitu kuću/stan a shodno provedbi imovinskih zakona.
3. dodjelom novčane pomoći za popravku manje oštećenih kuća iz člana 16. ovog zakona.

#### Član 12.

Osobe iz članova 2., 3. i 4. ovog zakona dužne su obavijestiti nadležne službe o svim promjenama od značaja za prestanak statusa, i obim prava koja su proizlazila iz statusa, i to u roku od 15 dana od dana nastanka takve okolnosti - promjene.

Okolnosti iz stava 1. ovog člana nadležni organ provjerava po službenoj dužnosti.

### III. PRAVA I OBAVEZE RASELJENE OSOBE-PROGNANIKA I IZBJEGLICE-POVRATNIKA

#### Član 13.

Osobama iz članova 2. i 3. ovog zakona privremeno se osigurava:

1. smještaj;
2. prehrana;
3. zdravstvena zaštita;
4. obrazovanje djece i omladine;
5. socijalna adaptacija i psihološka podrška;
6. podmirenje drugih nužnih životnih potreba.

Osobama iz člana 4. ovog zakona privremeno se osiguravanju prava, i to:

1. smještaj;
2. prehrana;
3. podmirenje drugih nužnih životnih potreba;

Pravo na privremeni smještaj

#### Član 14.

Pravo na privremeni, odnosno alternativni smještaj osobe iz članova 2., 3. i 4. ovog zakona mogu ostvariti uz ispunjavanje slijedećih uslova:

1. da trenutno ne postoje mogućnosti povratka u njihovo mjesto boravka prije rata;

2. da je raseljeno lice (nosilac porodičnog domaćinstva, odnosno član porodičnog domaćinstva iz 1991. godine), podnijel zahtjev za povrat stana ili kuće u skladu sa imovinskim zakonima;

3. da nema na raspolaganju dovoljno sredstava za obezbjeđenje smještaja.

#### Član 15.

Smatra se da domaćinstvo ima dovoljno sredstava da sebi obezbijedi smještaj u smislu člana 14. tačka 3. ovog zakona ako ostvaruje mjesečni prihod od 120,00 KM po članu domaćinstva uvećano za 200,00 KM na ime troškova stanovanja cijelog domaćinstva.

#### Član 16.

Privremeni smještaj osobama iz članova 2., 3. i 4. ovog zakona obezbjeđuje se uz korištenje slijedećih modela privremenog smještaja:

1. privremenim korištenjem napuštenih stanova, a shodno Zakonu o izmjenama i dopunama Zakona o prestanku primjene Zakona o napuštenim stanovima;

2. korištenjem kolektivnih centara, naselja i namjenski popravljanih i adaptiranih objekata za ovu namjenu;

3. dodjelom novčane pomoći za popravku manje oštećenih kuća, u iznosu do 5.000,00 KM (osobama iz člana 4. stav 2. ovog zakona);

4. plaćanjem troškova mjesečne stanarine (kirije), do iznosa i na način kako slijedi:

|  |           |
|--|-----------|
| - za jednočlano i dvočlano domaćinstvo ..... | 70,00 KM  |
| - za tročlano domaćinstvo .....              | 80,00 KM  |
| - za četveročlano domaćinstvo.....           | 100,00 KM |
| - za petočlano i šestočlano domaćinstvo..... | 120,00 KM |
| - za sedmočlano i veće domaćinstvo.....      | 150,00 KM |

#### Član 17.

Osobe iz članova 2., 3. i 4. ovog zakona koje odbiju ponuđeni privremeni, odnosno alternativni smještaj gube pravo na privremeni smještaj.

#### Član 18.

Postupak ostvarivanja prava na privremeni, odnosno alternativni smještaj provodit će nadležne službe.

Pravo na prehranu, zdravstvenu zaštitu, obrazovanje djece i omladine, socijalnu adaptaciju i psihološku podršku

#### Član 19.

Pravo na prehranu mogu ostvariti osobe iz članova 2., 3. i 4. ovog zakona.

Pravo iz stava 1. ovog člana mogu ostvariti raseljene osobe u stanju socijalne potrebe. Pravo na prehranu ostvaruje se: uključivanjem porodičnog domaćinstva osoba iz stava 1. ovog člana, na ishranu putem javnih kuhinja ili osiguranjem pomoći naturalnog karaktera, odnosno obezbjeđivanjem osnovnih prehrambenih artikala.

Kriterije o načinu ostvarivanja prava iz ovog člana propisat će ministar Ministarstva.

#### Član 20.

Pravo na zdravstveno osiguranje imaju osobe iz članova 2. i 3. ovog zakona, a koje to pravo ne mogu ost-

variti po drugom osnovu.

#### Član 21.

Pravo na obrazovanje djece i omladine ostvaruje se shodno propisima o obrazovanju.

#### Član 22.

Socijalna adaptacija i psihološka podrška raseljenim osobama-prognanicima i izbjeglicama-povratnicima obezbjeđuje se shodno propisima o socijalnoj zaštiti.

Podmirenje drugih nužnih životnih potreba

#### Član 23.

Pravo na podmirivanje drugih nužnih životnih potreba mogu ostvariti osobe iz članova 2. i 3. ovog zakona u vidu snošenja troškova električne energije, održavanje kolektivnih centara i naselja, i drugih režijskih troškova osobama smještanim u kolektivnim centrima i naseljima.

Socijalno ugrožene osobe iz članova 2., 3. i 4. ovog zakona mogu ostvariti pravo na privremenu ili jednokratnu novčanu pomoć.

Kriterije o podmirivanju drugih nužnih životnih potreba iz stavova 1. i 2. ovog člana propisuje ministar Ministarstva.

#### Član 24.

Osobe iz članova 2., 3. i 4. ovog zakona mogu ostvariti pravo na pomoć u snošenju dijela troškova sahrane, a shodno kriterijima koje će propisati ministar Ministarstva.

### IV. POVRATAK RASELJENIH OSOBA-PROGNANIKA I IZBJEGLICA-POVRATNIKA

#### Član 25.

Osobe iz članova 2., 3. i 4. ovog zakona imaju pravo da se slobodno vrate u svoja prebivališta ili u druga mjesta koja su izabrali da se u njima nastane, bez rizika uznemiravanja, zastrašivanja, progona i diskriminacije.

Povratnici iz stava 1. ovog člana dužni su se prijaviti nadležnoj službi radi evidentiranja u roku od 30 dana od dana povratka.

#### Član 26.

Zeničko-dobojski kanton i općine Kantona dužni su da provode aktivnosti od ukupnog značaja za podsticaj povratka, povratak i održivost povratka.

#### Član 27.

Sa ciljem ostvarivanja potrebnih uslova za povratak osoba iz člana 26. ovog zakona, na teritoriji Zeničko-dobojskog kantona, izrađuje se Plan povratka i repatrijacije za područje Zeničko-dobojskog kantona.

Plan iz stava 1. ovog člana donosi Vlada Zeničko-dobojskog kantona.

#### Član 28.

Sa ciljem stvaranja uslova za povratak Ministarstvo i nadležne službe daju potrebne informacije potencijalnim povratnicima, a posebno o uslovima za povratak i u

tom smislu posebnu saradnju ostvaruju sa nadležnim Federalnim ministarstvom, UNHCR-om i drugim nadležnim međunarodnim organizacijama, ostvaruju međusobnu saradnju kao i saradnju sa drugim organima i organizacijama.

## V. OSNOVNA EVIDENCIJA

### Član 29.

Nadležne službe vode osnovnu evidenciju o raseljenim osobama-prognanicima i izbjeglicama-povratnicima, a shodno Uputstvu o vođenju centralne i osnovne evidencije o raseljenim osobama-prognanicima i izbjeglicama-povratnicima za teritoriju Federacije BiH («Službene novine Federacije BiH», broj:29/00), a na osnovu riješenih zahtjeva o priznavanju statusa od kantonalnog ministarstva.

Na lični zahtjev povratnika nadležna služba izdaje uvjerenje o njegovom statusu.

## VI. SREDSTVA ZA FINANSIRANJE POTREBA RASELJENIH OSOBA-PROGNANIKI I IZBJEGLICA-POVRATNIKA

### Član 30.

Sredstava za finansiranje potreba raseljenih osoba-prognanika i izbjeglica-povratnika osiguravaju se iz:

- Budžeta Federacije Bosne i Hercegovine,
- Budžeta Zeničko-dobojskog kantona,
- budžeta općina Kantona
- finansijske pomoći zemalja domaćina koji su primili izbjeglice,
- donacija i kredita međunarodnih organizacija,
- drugih izvora u skladu sa zakonom.

### Član 31.

Sredstva iz prethodnog člana ovog zakona koristit će se u skladu sa ovim zakonom i Programom potrošnje sredstava iz Budžeta Zeničko-dobojskog kantona.

## VII. NADZOR NAD PROVOĐENJEM OVOG ZAKONA

### Član 32.

Nadzor nad provođenjem ovog zakona i drugih općih akata donesenih u skladu sa ovim zakonom vrši Ministarstvo.

## VIII. KAZNENE ODREDBE

### Član 33.

Novčanom kaznom od 500,00 do 1.000,00 KM kaznit će se za prekršaj odgovorna osoba u nadležnom organu uprave i zaposlenik organa uprave ako:

1. prizna ili oduzme status osobama iz članova 2., 3. i 4. ovog zakona suprotno uslovima propisanim članovima 2., 3. i 4. ovog zakona;
2. onemogućiti privremeni smještaj osobama iz članova 2., 3. i 4. ovog zakona, a shodno članovima 15., 16., 17., 18., i 19. ovog zakona;

3. onemogućava slobodan i dobrovoljan povratak osobama iz članova 2., 3. i 4. ovog zakona, a shodno odredbama članova 27., 28., 29. i 30. ovog zakona;

4. ne dostavi podatke o evidencijama osoba iz članova 2., 3. i 4. ovog zakona;

5. učini ili propusti radnju zbog koje su povrijeđena neka od ostalih prava osoba iz članova 2., 3. i 4. ovog zakona, a koja im pripadaju u skladu sa ovim zakonom.

## IX. PRELAZNE I ZAVRŠNE ODREDBE

### Član 34.

Danom stupanja na snagu ovog zakona prestaje primjena:

- Odluke o privremenom prenošenju određenih poslova iz nadležnosti Kantona na općine ("Službene novine Zeničko-dobojskog kantona broj: 14/00 i 7/01),

- Odluke o obezbjeđivanju sredstava u svrhu finansiranja određenih troškova sahrana («Službene novine Zeničko-dobojskog kantona», broj:7/99),

- Odluke o uslovima za ostvarivanje prava na privremeni-alternativni smještaj raseljenih lica i izbjeglica u Zeničko-dobojskom kantonu («Službene novine Zeničko-dobojskog kantona», broj: 9/03).

### Član 35.

Ministar Ministarstva donijet će akte iz članova 19., 23. i 24. predmetnog zakona, u roku od 30 dana od dana stupanja na snagu ovog zakona.

### Član 36.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-13637/04  
29.06.2004.godine  
Zenica

**PREDSJEDAVALAČI**  
Husejin Smajlović, s.r.

### 162.

Na osnovu člana 37. tačka h. Ustava Zeničko-dobojskog kantona, Skupština Zeničko-dobojskog kantona na sjednici održanoj 29.06. 2004. godine, donosi:

## ZAKON o izmjenama i dopunama Zakona o visokom obrazovanju

### Član 1.

U Zakonu o visokom obrazovanju, ("Službene novine Zeničko-dobojskog kantona", broj 15/99.), u članu 6., stavovi 2. i 4. se brišu.

### Član 2.

U članu 61. stav 1. iza tačke dodaje se tekst:  
"Univerzitetski profesori su vanredni i redovni profesori visokoškolskih ustanova".

**Član 3.**

U članu 80. stav 1. riječ: "četiri" se zamjenjuje sa riječju: "dvije", a poslije riječi: "imenovan" dodaje se tekst: "na još jedan mandat".

U stavu 3. briše se riječ: "univerzitetsko" a riječi: "redovnog ili vanrednog" zamjenjuju se sa riječju: "univerzitetskog".

**Član 4.**

U članu 91. iza dijela teksta članica univerziteta umjesto: "i", dodaje se "zarež" i dio teksta: "direktori naučnoistraživačkih ustanova udruženih u univerzitet, i po jedan član iz reda nastavnika i naučnih saradnika delegiranih od fakulteta, odnosno članica i pridruženih članica univerziteta."

**Član 5.**

U članu 92. stav 3. umjesto riječi "redovnih profesora", dodaju se riječi "nastavnika".

**Član 6.**

U članu 93. stav 3. mijenja se i glasi:  
"Rektor se imenuje na period od dvije godine i može

biti imenovan na još jedan mandat".

U stavu 4. istog člana riječ "redovnih" zamjenjuje se riječju "univerzitetskih".

U istom stavu, dio teksta: "i iz reda naučnih savjetnika naučnoistraživačkih ustanova koje su udružene u univerzitet", briše se, a iza riječi "senata", dodaje se tekst: "uz saglasnost osnivača".

**Član 7.**

Visokoškolske ustanove, članice Univerziteta, dužne su uskladiti svoj status sa odredbama ovog zakona i podnijeti prijavu za upis promjena najkasnije do 01.10.2004. godine.

**Član 8.**

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-13638/04  
29.06.2004. godine  
Zenica

**PREDSJEDAVALAČI**  
Husejin Smajlović, s.r.

**SADRŽAJ****SKUPŠTINA**

|   |     |
|---|-----|
| 160. Amandmani od VII do LII na Ustav Zeničko-dobojskog kantona.....          | 355 |
| 161. Zakon o raseljenim osobama-prognanicima i izbjeglicama-povratnicima..... | 358 |
| 162. Zakon o izmjenama i dopunama Zakona o visokom obrazovanju .....          | 361 |